

ցած ու ապշած էր մնացել իւր տեսած այս հա-
զուազիւտ և տարօրինակ գէպքի վրայ և տա-
րակուսած հալցնում է ինձնից. «Տէր-տէր ջան,
ախր ի՞նչ ասացիր և ի՞նչ պիտի գրէիր մի կտոր
թղթի վրայ, որ արիւնարբու թուրքերը վախից
սարսափած՝ այնպէս շուտով կորան-գնացին ի-
րենց տները»։—Նրանց ազգանունները միայն
հարցրի, որ գրեմ և յայտնեմ իշխանութեան, բայց
նրանք լեղապատառ փախան-գնացին մեր գիւ-
ղից։—Ախ, Տէրտէր ջան, ախր մենք Հայերս լե-
զու չգիտենք, տէրութեան կարգն ու կանոնը և
օրէնքները չգիտենք, թուով 15—20 անգամ աւելի
քիչ ենք թուրքերից։ Նրանք ոտքից գլուխ գի-
նուած են կատարելագործուած նորագոյն գէնքե-
րով, այն ինչ՝ մեր Հայերից շատերը չախմախլու
ժանգոտած հրացան անգամ չունին։ Բացի գրա-
նից, մեր Հայ և թուրք երկրագործ գիւղացիք
մեր հարեան թուրք բէկերից պարտք են առնում,
սարսափելի նեղութեան ժամանակ մի 10—15
ռուբլի։ Եւ այդ չնչին գումարը մի քանի տա-
րուց յետոյ հասնում է 60—70—100 ռուբ. այնու-
հետեւ այդ պարտքը հետզհետէ աճում է արագ-ա-
րագ և այնպիսի ահաղի՛ն գումար է դառնում, ո-
րի տոկոսն անգամ գիւղացին չէ կարողանում
վճարել մինչև իւր մահը։ Այսպիսի անյաջող և
աննպաստ պայմանների մէջ լինելով, աստ ինձ,
որդի ջան, կարգիդ մեռնեմ, մենք՝ Հայերս ար-
գեօք կարող ենք դիմադրել թուրքերին և նրանց
անիրաւ ու անարդար պահանջները չկատա-
րել, երբ մեր նեղութիւնները իշխանութեան